

Murhumelatinhundzu ematikwenimambe wa malakatsa ma tisimbhi u voniwile nandzu wo va a hemberile Khasitomo

Tshwane, 3 Nyenyankulu 2022 - Khamphani yo rhumela tihundzu ematikweni mambe ya le Cape Town na mulawuri wa yona va voniwile nandzu wo tivisa hi ndlela yo hoxeka ndzhwalo wa malakatsa ma tisimbhi ku kota ku papalata mixakaxibalo ya rhumelo wa tihundzu ematikweni mambe lowu wa ha ku tivisiwaka eka malakatsa ma tisimbhi.

Khamphani, *Scrapmania*, na mulawuri wa yona Joseph Daniel Hurling, va tivonile nandzu eka nandzu wo endla ntiviso wa vunwa eka Khasitomo naswona havambirhi va rihisiwile R50 000, laha Ttn Hurling a nga rihisiwa R100 000 yo engetelela eKfoto ya Xifundza ya Durban.

Hi ti 23 Ndzati 2021, *Mirage Shipping* yi phurosesile ntiviso wa rhumelo wa tihundzu ematikweni mambe eka 10 wa tikhontheyina ta "polymers na ethylene" ematshan'wini ya *Scrapmania*. Ndzhwalo wu tekile ndlela ku suka eCape Town ku ya eNhlalukweni wa Durban, laha wu nga khomiwa leswaku wu kamberiswa loko wu fika, endzhaku ka loko wu soriwile eka sisiteme ya Khasitomo.

Hi ti 12 Nhlangua 2021, wu kamberiwile no kumeka wu ri na malakatsa ma tisimbhi, leswi lavaka mpfumelelo wa *International Trade Administration Commission* (ITAC) no fanela ku hakela mixakaxibalo ya rhumelo wa tihundzu ematikweni mambe.

Nandzu wa vugevenge wu tsarisiwile na SAPS mayelana na ntlulo wa Nawu wa Khasitomo na Ekisayizi na Nawu wa ITAC.

Vumaki bya malakatsa ma nsimbhi i vumaki bya mabiliyoninyingi naswona byi hoxa R15 billion leyi pimanyetiweke hi lembe eka xihumelerisiwa hinkwaxo xa Tiko ra Afrika-Dzonga.

Hi 2017, khamphani ya malakatsa ya tisimbhi yi lahlekeriwe hi nandzu eka Kfoto ya Vumbiwa ku tlhontha swipimelo swa Mfumo swa malakatsa ma tisimbhi swa rhumelo wa tihundzu ematikwenimambe, leswi tivekaka tanihi sisiteme ya ntsakelo ya mixavo, ku katsa na xiboho xa ITAC xo ala ku humesa mipfumelelo ya rhumelo wa nhundzu ematikwenimambe eka khamphani, hi ku fambisana na sisiteme ya ntsakelo ya mixavo. Leswi swi landzela kwalomuya ka mune wa malembe ya ntengo ehenhla ka pfumelelo wa nawu wa sisiteme ya ntsakelo ya mixavo.

Khomixinara wa SARS Edward Kieswetter u vurile, "SARS yi tinyiketerile ku fambisa bindzu no kurisa ikhonomi ya tiko ra hina. Yi ta ya emahlweni yi endla swi olova no pfumala mafundzu eka vaxavisi ku landzelerisa swiboho swa vona swa xinawu hi ku va nyika nhlamuselo na ntiyisiso. Hi ndlela yo ringana, SARS yi le ku akeni ka vuswikoti bya yona ku endla swi nonoha no durha eka vaxavisi valavo lava hlawulaka ku ka va nga landzelerisi. Leswi i ndzemuxo wa leswaku hi ta lwa hi tsemeka na mavoko ku tiyisisa leswaku lava tinghenelerisaka eka mixaka leyi ya matikhomelo leyi tlakusaka swa vugevenga ku tirhaniwa na vona hi voko ra nsimbhi. Nkwama wa hina wu kanganyisiwa hi ntiviso wa mavunwa hi vomu na vugevenga.

Ku kuma voxokoxoko ku ya mahlweni, u komberiwa ku tihlanganisa na SARSMedia@sars.gov.za